

況法損恒○恒原脫規朝夕之儲逾乏朕之焦思已涉炎涼如聞今茲收藏不害民庶稍休非望栖畝之

餘糧蓋聞載路之多黍而已夫先王之爲政也弛於急張於緩年荒節用無節不可以存穀熟復常不復

難可以瞻宜太皇太后皇太后宮春宮坊封及服用五位以上封祿諸王○王恐季祿等往年減省之物

自今以後仍舊莫減唯至朕躬德淺責深堯之冷葛舜之輕瑠朕雖未窺彼垣墻而今恨其珍麗以群蠹

○蠹原作棄之器非片漆之所能堅屢空之民豈一秋之所能當是故朕服御常膳左右馬寮秣穀或分

析或權停之類尙如前令更不加進普告遠近不拒朕行

〔眞信公記〕延喜十四年十月廿六日己丑奉減封表十二月九日辛未今日奉請減封口口之一狀

天慶十年三月廿九日奏減臣下封祿論奏其儀右大臣令持外記到御所付藏人令奏者

〔日本紀略三上〕天曆元年三月廿八日癸丑減五位以上封祿廿九日甲寅太政官論奏請依舊減五

位以上封祿四分之一

辭封

〔本朝文粹四論奏〕爲入道前太政大臣辭職并封戶准三宮第二表

江匡衡

臣兼家言今月十五日中使權中納言源朝臣伊陟勅○勅恐衍至奉宣聖旨抑臣上表鳴鶴之聲空隔卷龍

之命不聽惶惑失圖心顏罔置臣某謝中臣聞貞觀之初命忠仁公爲相三公當仁百官總己俗阜無費于

受崇封德高有便于鍾厚禮陛下○一以今日天下准昔時賦斂之虛耗萬倍以貞觀故事比微臣才用

之懸隔千里加以彼間公卿其數纔十有三人節儉交深實封不幾今當時所備者上皇三院內主三宮

及公卿廿一人也計其職邑爲國煩費而臣更擬三宮之儀又居正台之任若以前賢之末苗謂賞臣則

周邵之後無登三事若以左戚之元老謂崇臣則陰郭之家不過九卿臣扶帝道履政途以來變異屢臻

謗訕無隙問六典則五既闕論八柄亦七不堪彼湯武聖主也然不能乘幹舟而浮江湖伊呂賢相也然

不能策駟馬而馳郊野雖寔聖主賢相未若越人與胡兒者況愚臣焉得持重載以久濟巨川攬六轡以

猥陟象岳哉方今陛下肇服玄冕新莅蒼生百辟傾心懷々然以待陛下之政四夷傾耳靡々然以聽陛